

Lukalo lwa kwikala mifulwe kifulo

Muntu oso bapangilwe mu kipaso kiadi na lukalo na kifulo nka bu bi mutshi ukunwe wi na lukalo na : kaanya, na meema bwashi ukule. Lukalo lwa kupeta na lwa kupaana ; kia kukaanya nkiashi : mu muwa woso wa muntu, ino nkalo yoso ibidi tayekeele namu itshibiibwe sungashi, ngikumunwe mpolo yaayo nya. Mbwa kini ? Mwanda ngi kipaso ki kifulo kia bantu boso. Atwe bantu twi baubiile nka kufula baaba betufule namu kifulo, muntu oso ayindjila nkiashi mwinaye abaangye kwibedi. Ngi paapa mu ino nsenga mmupwe kukaba kinangu kia kwikulupila kwa muntu pa bwaye, muntu pa bwaye, ngi bwa kini bukata bwa kifulo mbupwe kupeela.

Pangi tukwete kwiambiila'shi, bangi bantu ta be n'etu bu-kuuku, a biabia atwe namu tukwete kwibalesha bwiini bwetu bu-kuuku su?

Mmweno etu a bu-muntu akyebe dingi nkiashi : twikale na kifulo nka na kiakia ki buwa. Na polondesha biiya okamono'shi, ma-kuuku aaningaa nka patwifiamisheena bito bietu sunga bilema. Saa ayikamweka biabia bilema bibaadi bifime, kwikutwena, tuleo munkatshi biabituuku mpa na kwishileena, kwiimana miima... Biabia, atubanga kumona bangi'shi, abetulwishiisha aku abo namu abetumono'shi : atwibalwishiisha

Kipaso kioso kilombeene muwa wa bu-muntu kuleesha lusa, mukanda w'Efile Mukulu (Bible) tawi na mbalo yauleesha'shi : twibalombeene kumwekwa na kifulo sunga

kwiikasha nakio nya. Awo awaakula patooka'shi : ku meeso a Efile Mukulu, « twi basha mushikwa, tukwete kwishikwenanga muntu na muntu » (Tite, kip. 3, kish. 3).

Twi'ku na mushikwa na bantu, aku twi na lukalo'shi, betufule kifulo, ngi bishabipeteena mianda yoso mu muwa wetu, abileesha'shi : mu shaleelo etu na mu nangunangu mwi kafuutakani

Kifulo ki'Efile Mukulu...

Biabia uno mwanda, Efile Mukulu mmupwe kwiupetela kipeta bupenka bwa'ye. Biabia, wemulombeene kwiypusha'shi : mmu kipaso kini ? Nyi mpa'ye kufula bantu kifulo bu a kwibedi na pa kwibafula nka biabia biabadi bekale. « Aye betufuule kifulo bu a kwibedi » (1 Yoano kipindji 4, kishing. 19).

« Efile Mukulu atuusha kifulo kiaye patooka kwatudi, mu bino'shi patwikalanga tu kii balwishi, KIDISHITU mufwe pa mwanda wetu... Pa'twe kwikala beshikwanyu lufu lwa Mwan'aye lubetwiikasha mu kipwaano n'Efile Mukulu ... » (Bena Loma, kip. 5, kishing. 8 na 10).

« Ku bino tubawuku kifulo, nkwambashi, aye balekye muwa waye pa mwanda wetu » (1 Yoano, kip. 3, kishing. 16).

...keepatshila kaakio

Nyi mwishimba diaye, peenda mwamwa mutuushiishe Efile Mukulu keepatshila ka kifulo kiaye. Mmwitufule kushi pa mwanda wa'shi twibebilombeene, anka mwanda ngi mwadi mwikeele aye mu mwikeelo wa kifulana kifulo « Efile Mukulu Nkifulo », ngi abitupatulwiila wiini wawa

mukanda umune misaango ibidi (1 Yoano, kip. 4, kish. 8 na 16).

...Wiini abadi bekitome

Nani abadi bafule kifulo? Nn'obe, n'ami, mbantu boso, kubadika mpa na yawa mukile kile kupiila mu kiimu. Su Efile Mukulu E Selele, mmushikwe bubi (milwisho), Efile Mukulu e na kifulo na balwishi.

...Bukata bwa'kio

« Efile Mukulu bakishakisha kufula ba pa nsenga, pakwibapa Mwan'aye umune'Eleka, bwashi muntu oso akumiina mwadi takufwa nya, anka ekale na muwa wa looso » (Yoano, kipindji 3, kishing. 16).

« Mu bino mubaadi muleshiibwe kifulo ki'Efile Mukulu bw'etu, ngi'shi : Efile Mukulu batumu Mwan'aye umune'Eleka pa nsenga, bwashi twikale na muwa kukidila kwadi ; mu bino ngi mwi kifulo, kukatusha'shi, atwe n'atwe babaadi bafule Efile Mukulu kifulo, anka mu'shi : aye nkwitufula kifulo na nkutuma Mwan'aye bwa kwikala efuto dia kwitukuula n'adio ku milwisho yetu » (1 Yoano, kipindji 4, kishingatshilo 9 na 10).

Oolo, Efile Mukulu mmufule bantu kifulo. Aye bebishinkamishà, batuusha kipeta kiabio... na misuusa yi bungu kwete kumona abamwaluula na kapeesha : « A bwetufulu obe namu kifulo ku kini ? » (Malaki, kip. 1, kish. 2).

Kwi ingi mitentekyesho yatupusha kwi bantu'shi : su Efile Mukulu baadia kwikala mufule bipangwa biaye kifulo, baadia kulekyela ano makyenga na kuno kwikutwene su ? Kutala namu, abituungu kwata kifulo ki'Efile Mukulu na bushito, (mmulekye muntu kapindji kapeela mu bulungantu bwashi eekite aye nabene bubi na akite namu'ni bangi

bubi), ta mu midianyino ya muwa wiipi wa pa nsenga nya, anka mu ndongamiisho a muwa wa looso.

Su okyebe kwiiya bi kifulo ki'Efile Mukulu: kishima na kishi nfudiilo, tentekyesha ku nkulusu, otentekyeshe Efile Mukulu atuusha Mwan'aye a kifulo kikata bwa kipandjilo kia beshikwanyi n'aye, bwa kipandjilo kia beeni abamubaamba pa nkulusu.

Na paapa tubashinkamisha'shi, mwikeelo wa malwa wa bikitshiino bia muntu auleesha patooka bi bukata bwa buuntu bubetukasha paashi'paa bwa kwitukaamisha mwiulu'mwaa : nkwitufwiisha, ta'nka bu balwishi bafwilwe lusa nya, anka bu bana ba uno Efile Mukulu a kifulo.

«Talayi bi kifulo kibetupa Yaya buuntu, eshi atwe twikale bayitanyinwe bu bana b'Efile Mukulu » (1 Yoano, kipindji 3, kish. 1).

Obe mwikale pangi mwinyongoswe na kifulo kia bantu, ku mwikeelo wakio ukilekile kulwila, twebikemanga, akio akikashadidiila anka biabia, kishi kikumbane, na ta kwi ekopola dia meema su ndimune, bwa kuusha kipana kikata ki mwishimba diobe nya.

Kifulo ki'Efile Mukulu namu, akio nkiule, nyi mweela ukata, nsulo yatushanatome twapudisha.

Anka mbikile buwa kwikala na nyota, nyota ya kiakia kifulo ki'Efile Mukulu, na kwaluula ku musaase awitweele Fumu YESU : « Su kwi muntu e na nyota, afikye atome [meema] ! » (Yoano, kipindji 7, kishingatshilo 37).

Anukumiina namu kushinguula bi bungi mu MUKANDA W'EFILE MUKULU (BIBLE) na mu Mukandu wa'ye wi buuwa su ?

Nutekye tukanda twetu twa kubadika mu adresse eetu, sunga kwi bakwetu BENA KIDISHITU be peepi n'enu mu bibundji biatudi baleeshe kuno kuushi :

BA FRERES BENA KIDISHITU :

MBUJIMAYI: Bd L.D KABILA N° 61, Q. DIPA, COMM/DIULU (Tshikila Njinji)

LUBAO : Q.Révolution, Avenue Twendele

KABINDA : Q. Congo I, Avenue Lumumba

MASANKA - MINGALA - MPEMBA NDALA

KAMAANA - MPENGYE

Éditeur:

BPC - La Bonne Semence

France

Réf : SV013KE

Dieu vous aime

(Kisongye - Congo RDC)

